

讀白華草堂詩二集

讀白華草堂詩二集卷五

巳丑

鎮平黃釗穀生

元旦城南講院偶成

酒意酣如雨意酣宿醒初醒問餘甘過門客去畱名刺

同舍生來接茗談朝暮鹽齏安樂菜

吳越風俗獻歲以蘿蔔栗核桃花生

葶藶諸果蔬共爲安樂菜

青紅兒女合歡柑鞭羊笑比鞭牛快趕過

年頭四十三

余以丁未生是日立春故戲及之

正月二十夜孤姪正至城南

拭眼禁酸鼻牽裾圍藐孤燈前悲瘦影泉下慟長途弱
小齊揮涕團團豈足娛飢寒何待問且喚近紅爐

種種嗟余髮熒熒看汝身伶俜纔五尺涕泣忍重陳廢宅荆先萎新墳草不春紙錢曾挂未風雨莽蕭晨

霽青太守與蘇子由同日生潮之人士皆未之知也道光九年是月日潮人以扶輪堂事定案德之作栗主以寓長生之祝且殺羔稱兇躋公堂以獻媚焉太守招余至郡齋樂飲至醉翌日用東坡子由生日韻作長句奉呈

芝榴桂棟叢芳芬心香一瓣誰脩薰夫惟大雅斯不羣扶輪焱起連風雲沈檀百車千手焚鼎煙篆結飛鴻紋長生兩字仿八分香楠刻像同氛氲邦人持此祝使君

使君筮易兼三墳得賁之占觀人文掃除門蟻磨擾蠹
邦人德之何所云噓圭卣曷足銘勲屠羊宰毓如犒軍
躋公堂來獻其勤繁余作歌已半醺爾士可讀農可耘
梗枓杞梓皆榆枌鼠牙雀角毋紛紛區區芹獻同蒿焄
千秋萬歲畱馨聞

清明風雨書感

冷到青絃暖到飴但餘客淚落清明白楊悽斷紅桐死
猶向池塘盼草生

悼李繡綠同年

清華

容易清明說斷魂思量舊雨獨聲吞馬蘭草長門前路

繡綠省寓馬蘭坊

鰕菜羹殘座上樽丁卯同年餘幾輩參商異

地忍重論劇憐轉得分司押

時將赴京補中書

祇伴烏臺

謂在

掌九原

寓齋種竹二十竿昨得風雨喜成十韻

買花如聘妾種竹如抱孫愛此青琅玕節節擎雲根矮
屋剛打頭短牆甫及肩嫵媚二十竿林立如弟昆園丁
携與來五百青銅錢酬之豈云過灌漑仍朝昏種花怕
風雨竹愛風雨勤昨宵雨又風曉來遮我門我門自清
寒斯園乃寓園行當歸種汝水屋營江村

六篷船四十間韻

海國噓蠻紫江城指蟬螭鰕鬚排密邇龜殼龜背如負

穹窿腰舫篷編箋頭艙板蓋樓全家慵撒網遇客輒張

罌記買垂髫日爭憐好面龐開箱誇百寶賽會盼雙忠

潮郡賽雙忠會最爲繁麗雀扇青迷蜃羅梁白幻虹潮來人盡室海

立女皆童賽會皆童女駕舶從徐市量珠看石崇討標

聊共角賽會日有以銀牌爲犒者謂開襖敢相蒙梳櫪

開襖潮俗信神賽會非童女不敢登場畏神拈擊也宿水鳧依藻收香鳳挂桐佳

文鋪莞蓆佳文蓆來心字倚篝籠鬼子教擎盞矮燈式

番鬼首頂蛇師代守宮髻簪魚卵綠五葉蘭似珍珠蘭

荷盤者唇嚼螭灰紅檳榔包以葉塗以蛤灰巧舌雙聲罵芳心一笑融鉤

轉調語滑則劇媚情烘藕腕籠金釧花房引翠簫

舟中漫具

以竹簫爲之

窺窗遮窈窕記曲唱玲瓏從此逾蘿薦無緣感

梗蓬佳辰常欸欸良夜莫匆匆入月圖難秘行雲賦漫

工垂腰繫雌霓辨髮效雄風

蟹女蓬入月皆不粧梳惟辨髮作童男樣

客至

鸚哥喚婢

叶

憐蜨妹充

船中無婢媼供役客至喚茶則幼女奉盤而進

紅牙鏤

煙盒

鴉片烟盒有以象牙鏤者

銀葉托茶盅

茶盅製極小以銀嵌蓮花螭盛之

問姓

多稱麥

蟹戶多姓麥

傳餐每戒蔥

食忌五葷防口過也

鷓鴣呼進炙蜩

蝶看抽篷

蜩蝶蓬式巾用篋蓬兩翼張白布爲帆如蝶翅然

攘攘座頭酒招招

沙嘴戩度詞徵儔蛤兼味設魚熊羹葉郎心剖棉花安

病同

楊梅瘡俗轉喉啞剪前纏足學弓弓

蟹女亦有繫

艇纜榕樹浮家本蓼叢驚濤奔颶母狎浪付艚公館爲

藏春稅船因過夏空

潮地瀕海四五月至七八月當防颶風此數月蛋女多向城中賃屋

避之其船惟畱艚公及老蛋婦守之俗呼賃爲稅

薌皮新几褥桃骨舊簾櫳不

信棲梁燕還疑賃廡鴻藥香鴉片咀蠶信蠟丸通遂有

鴟尸約能甘犢鼻窮歡場看主客僻巷寄衲衲魚姊包

長飯

蛋女有長主者謂之食長飯

鷓鴣替短僮

傭媼俗呼爲鷓鴣婆

門前認烏

柏江上自丹楓一樣煙花窟多生鮫鱷潔佛頭銷易盡

鬼頭番銀俗呼爲佛頭

蛇足畫難終婬席燈然鐵迷樓鏡洗銅慈

悲開善眼無數可憐蟲

莆田鄭香祖上舍以所獲工伯壘木觚二器拓本

見示囑賦長句

興安鄭君司農裔傳家漢學師通儒爾來示我法物二
翠墨所搨形模糊細觀銘識及箋釋斷是周敦同商觚
今權漢尺互較度審悉尺寸兼錙銖敦形如簋缺蓋足
旁有兩耳殊康瓠文曰寶甕工伯作以盛黍稷馨香俱
觚如古製頸寬闊用配疊散侔尊壺銘以一木義曷取
商制已見宣和圖斯圖博古甕獨闕傳記亦未言形模
玉甕玉敦本鄭注後儒攷据滋空疎雁侯遵母翼皇祖
證以茲器形俱殊觚高一尺有一寸底作十字胡爲乎
準之商器口稍狹但以銘字稱相符五行計數恐臆說

借仁樛木同將毋嗟余好古生已晚如瓠之腹尤枵虛
菟羅攷訂兩無據敢恣附會憑欺誣工婁工倭司工氏
果誰作此齊鐘孟東方義或爲鄉飲模稜說亦堪壺盧
知君姸雅自有斷不與俗學同牽拘我言敢作吾邱衍
君其慎守雙璠璣

羅浮春夢圖爲言寶侯題

玉迷離處絮蒙茸香雪香雲裊萬重怪底東坡貪睡美
不教人打五更鐘

子履得霽青太守書知余在潮州消息寄詩問訊

依韻奉荅

讀到南華秋水篇浮漚身世儘堪憐芥舟自覺切堂闌
且與盆魚結飯緣

太守風流繼潁濱尙畱真面向風塵潮州監稅多贏酒
我是東軒醉道人

欲築一小樓名曰鐵畊先以詩乞霽青太守書榜
硯田闊寸十口食筆爲耒耜非鐵力四年水底心鐵寒
鐵耕得食亦太難當時破甑顧何益二頃田連五畝宅
全家避水如避債全家一樓不嫌隘硯田得食倘得居
一笑鐵耕仍鐵蓋明年盼得樓成否題榜先求詩太守
懸知勁筆如劃鉅屈鐵看鑲玉支祈

三月十三日曉起至西園偶成

鼃噪蝦跳又一春
萍衣開處想垂綸
橫波柳似臨粧女

解簪篁如釋褐
人宿雨濃煙能作瘴
舊家喬木易成鄰

園爲前明制
不應更觸流觴興
回首雲亭跡已陳
甲申三月

卷宗伯別墅
晨上巳同人禊
集問字山房

曾稱雲茂才
曠
留宿城南卽和其感懷原韻

鮭菜休嫌地主寒
留君深語到更闌
無聊詩要平心出

有限樽宜盡意乾
師範卽今誰趙德
壯遊自昔慕任安

他時閑動宜陽里
試取胡琴一笑彈

積雨六首

書堂跳蛙黷蚓蟻出階礎濕雲幻濃煙避雨寄檐廡我
時掩書坐室暗若無睹疑有神鬼入屏息不敢語漏痕
下如縫勢挾龍蛇舞此時倘飛騰當可破環堵

環堵慎勿頽飛騰未可恃妻孥倘旅食所居方近市水
長魚鰕賤癡兒色先喜詎知老子心正愁糴貴米何時
斷雨脚已見添柳耳入口奚足云飢鴻在中沚

城中近萬家富室居八九蜃鹽力稍疲饕餮利猶厚淫
霖止傷稼巨浸僅沒阜女牆剩三板囊沙塞其口城門
已書閉高樓尙呼酒曲窰教徒薪遠慮君子有此舉良
亦難羣公甘袖手

西山浮葫蘆白雲繫其頂俯瞰城中人正若蛙坐井鱗
鱗萬瓦流雪瀑若懸綆此時浩浩聲豈與鴉鵲等奔流
匯韓江萬馬一齊騁濛濛煙樹間海氣接諸嶺

海田築圍基聞若井闌繞初年種蘆葦久乃栽粳稻海
口積而哽河腹因之飽或云埽其基當可復故道此較
疏鑿易亦免捐輸擾諸公爲鄉閭羣策藉探討吾亦念
吾廬頻年憂水滂

吾廬昨蕩盡盡室辭里閭人情戀鄉土海燕豈不如每
於猛雨來動念江村居長隄乍菱蕪下隰仍菰蒲人言
小河水驟高一丈餘寄書訊子季隄岸當無虞昨聞早

禾美不知被浸無

書館偶成用望子兒懷韻并寄

一經訓故守陳欽

時學子方授左氏春秋

尙與童蒙切字音少日

受書空妄念中年看劍已平心荒唐酒膽孟勤把潦州

書成帖嬾臨四十無聞將五十不應徒怨二毛侵

鸚鵡誰教轉舌關

王建句

舌存且作寸田看米鹽易辦資

騰格

回言錢也

龍虎難昇負突樂學館鱗蛙嘲史應貧家雞

犬詛劉安天人策自通圖識若個從遊識仲桓

精力安能比舊時眼昏漸覺看書遲名場冷熱俱無謂

家事癡聾最得宜漫與羣狙平喜怒聊從倉史判公私

多因貧久人情熟未敢輕訾反覆詩

五月初三日爲笙調生朝振觸悲懷率成一絕

艸生朝過四旬來菖葉共芝焚從今添副離憂淚
哭到三問便哭君

霉篋愁翻絕筆書天涯海角未窮途草堂此日歸來未

魂黯終南送妹圖

笙調上月來書以望子還得電白教諭信其明年設妹之任笙調以家牋

窮乏正欲索筆出遊欣然諾之未半月而遽病逝翻篋得此爲之愴絕

羅浮蝶詩

生就雌雄匹鳳皇翩翾愛著綠衣裳似聞帆影過南海

移宿宣山帝女桑

蛾蛹纏綿裹聖兒胚胎五色聚迷離非仙非鬼人間世
原是蓬萊老鍊師

服玉餐霞幻化身偶然一夢亦千春不知四百峯頭觀
可有年時漆道人

搗藥禽歸啞虎還野人招隱石樓間牙兒尙抱丹青樹
未得無情便入山

茜裙疊上女兒箱伴到麻姑鬢有霜吐出絲爲長命縷

世間無此耐心腸

絲最堅敬程鄉
上繭卽蝶所化

游戲仙凡不計年東風扇到鐵橋邊赤明洞口車輪駐
蝙蝠畱談混沌天

羅浮煙雨圖卷陳雪漁

在謙作

橫絕此風雨神來驚合離
翦頭千樹禿割股一山奇
湖海盪豪氣雲煙生恠姿
石樓高百尺墨戲爾能爲

寓齋所種竹已添新筍數竿
竹醉日以酒澆之戲

成一首

土牛紀歲支月圀日在未
園丁介君來掃徑欣把臂
園焦不十笏特做半弓地
與君賀移居將以衍苗裔
同來多比肩尙未携幼穉
初疑土性薄又因日色熾
乾黃變陰森嫩綠暫顚顛
甚愁一个弱非惜百錢費
浹旬甘雨來蕩滌到腸胃
土膏已滋潤生理挺然遂
自從匝月陰

培養復元氣籙冠愈逍遙翠袖益風致脫裯玉嬰兒已
解出牆戲和氣驗安樂我心亦少慰今晨風日佳隨例
邀君醉不見蘭蕙馨尙爲蕭艾累君非庚寅生少此牢
騷思不見桃李艷終同蒲柳脆君非花朝生保無摧殘
忌君生非虛生汗簡炙名字君生可長生叩杖扶痿痺
行當釣瀛海六鼇掣鉤餌縱或藏名山萬卷歸篋笥節
高不自矜質美不自棄虛中受百榼量與蕉葉異我知
君最深三爵未告退酌君鸚鵡螺沈綠比晚翠永結歲
寒盟亦寓卜鄰意我欲營水榭聊作蕭閒計知君未能
從且與酣今歲或可分一支共我關荒穢亦徵德不孤

相對輒舉觴顧我總角時於酒亦酷嗜稻秫歎佳種觚
勺嫌小器壯乃憚炎暑擎杯輒生畏或云久作客因而
節飲食倘令對妻孥亦復生縱恣斯言恐未然昨者吾
猶記蒲醪未十觴呼渴甚蕭帝君家有青奴輾轉勸我
睡龍孫亦嘻笑連筒太無謂自非酒中仙騎羊空秉穗
余於末年
殺日生

雨窗卽景

天公一月雨綠我十丈壁破屋如巖巒眉宇沁寒碧驟
看檐雷奔界以飛瀑白雷霆兩耳馳冰雪一心滌居然
匡廬巔不放水簾隔斜陽冒濕來掠地閃霞赤惜此景

與光下階著苔屐

小窗故多明窗暗雲遮入雲入誰得知著物盡潮濕濕
生變爲蟬靈氣就玉笈魚身而蛇足白鱗璨熠熠掉尾
學鯨吞長恩向之泣吾方藝芸煙密令蟾蜍翕雲師不
可收看搗雲母汁

讀古歌謠八首

忼慨歌

遠與鬪皆執政念廉吏出優孟優孟衣冠今詎病我願
衣冠盡優孟吁嗟兮衣冠果皆優孟若廣絕交書何人
作

越謠歌

君乘車我戴笠倘相逢下車揖君下不下未可知磔犬
殺雞徒爾爲吁嗟兮古詩長跪問故夫長跪故人亦有
諸

靈寶謠

竊禹書喪國廬厯一世果亡吳吳亡爲書爲西施龍威
丈人當知之吁嗟兮傳百六初乃止此亡吳果是禹孫
子

渡易水歌

易水頭白衣冠壯士歌聲悲酸壯士一去不復還壯士

一死酬燕丹吁嗟兮地下絕纓應一笑不爲燕俠爲秦盜

古諺

上求林臣殘木上求魚臣乾谷木殘谷乾猶未已艸澤紛紛惡蛇起吁嗟兮惡蛇非蛇乃賴魚艸澤之窟乃窮途

楚漢歌

大風歌思猛士垓下歌泣女子猛士爲君守四方女子爲君酬一死吁嗟兮女子之死氣如虹猛士之死死狗同

鮑司隸歌

鮑子都畜一驄馬雖瘦行步工三人司隸再入公孫子
皆有祖父風吁嗟兮厚福自有大車載安穩何必在牛
背

逐彈丸

苦飢寒逐彈丸問何人逐韓嫣紛紛豈獨兒童喜怒馬
爭隨年少子吁嗟兮逐彈丸思作鷹犬不苦飢寒更飽
暖

寄懷吳菊裳桂林

北書欲寄吳才老聞道驂鸞入桂林屢向石門泉畔過

知君原有昔人心

宦遊一卷柳州詩
箸裹荷包入竹枝
記石墟船趁松口
幾番梅雨熟離支

韓昌黎祠白鸚鵡賦碑拓本

購書刻石渝州龍

爲霖

釋文泐石北平翁

方綱

公書晚出世

爭寶行間浩氣奔
長虹明珠徑寸不脛走水銀入孔斯
理融畱潮八月表屢乞此豈樂土能畱公
江山姓氏迹難削好事尙欲勤牢籠殘纜斷墨落南海珊瑚玉樹交
柯同茲禽種自產西域豈比佛骨來寰中誰歎賦此獲
公賞揮毫適與神明通龍君好古亦幸爾蘇齋金石旋

磨礪不然後起論真磨當竝飛躍疑扶風

謂陽山萬和圖宗伯摹鏤

為飛魚躍四字濟源井記集古錄題名久佚隨灰蓬此碑尙許

見風骨差勝賢令山前逢

元和四年題名在濟源井大顛壁記增見集古錄今佚賢

令山石刻在連州賢令山無題識年月姓名相傳昌黎書賞真疑磨盡蛇足辦香之

說吾當從君不見平原魯公腕力雄我公奉使同其忠

普同塢

塢在潮州西湖山順治十年郝尙久叛耿藩以兵臨之城破屠殺無算有僧收遺骸

合葬山下片

紅旗閃燦巨魚吞鉢大一星流血色

皆是年九月事

金山寨出

井底屍

尙久父子

王者衣冠作屠伯尸陀林中來佛子甘露

楊枝灑不起已看斂樹叢肉堆欲化盃湖收血水方墳

偈作普同塲瘞雁慈悲逾代鴿此是閻浮提劫灰海風
簸處愁魂合大師埋名衆埋骨西湖嶺下餘冤碣劉猴
子進忠來令髣髴王者肉身亦轡割進忠之叛應耿逆也而朕逆亦寸磔矣

鐵犀行在韓江廣濟橋面

臨江橋鎖雙鐵犀屹立不動如後貌傳來蜀守厭勝法
藉歷水怪衝橋隄孽龍畏鐵用鐵鑄鬚鬚角兩蹄三蹄
中流砥柱足保障鑄成釁之犬與雞形端影正立水底
駭走巨鼉蜷修鯢合沙水蛟伏幽閭窺見至隱思排擠
謂特頭角具體耳在子無作嬰兒啼驚濤奔浪駭盪決
厥品雖上當塗泥果然失脚一犀陷沙底轉側如拖犁

逕流而上七里許暫憩鱗窟千年溪嘉慶年橋夫蹤跡
身以歸此時掩袂同子西兩星相對色慘悽一蹶再起
漫思振姑待水退加元非君不見狂鯨磨牙老龍吼白
茲水患年年有犀乎犀乎爲誰守

雨後西園晚坐

古壁流碑江虛檐綫綯紋倚眠新漲水亭宿未歸雲濕
重花如沐香微翠白薰驚興竄蘿薜殘滴落紛紛

海氣開仍合山光有若無林深接薜藋

附後卽牆缺見

葫蘆

山名

濕柱蝸黏篆陰巢鵲抱繡紅煙團不散滿意熟

積珠

讀山谷演雅賦仿其六言體四首

腸撐萬卷未假暇過四旬始花索書蝶結腹蟹借鏡水
母日蝦

蚰蟥從鍾旣議蟲魚付那因箋蝶應度生就佛蠹秋愁乾
死求仙

蝸角蠻氏觸氏蟻門黃衣黑衣得過且過了事當斷不
斷禍機

任渠鷓鴣蛙相持據案且食蛤蚧作詩聊復爾耳對酒時

一中之

西園

平橋一角凌飛霞夾鏡兩水千荷花亭心避雨鶴之眷
樹腹藏雲龍所家蕉陰忽見女牆堞鵲起又動轅門笳
漫吟赤霄戲孔雀尙念白屋黏涎蝸

送鍾澹齋

淮北上謁選別駕

君昨醉我橋上樓舫船百斛恣拍浮東津撒網集漁子
斫鱠爲我羅珍羞半年憶此猶快絕忽爾君行來告別
君行不爲食無魚我欲相畱苦難說男兒七尺落風塵
安能五十尙依人一官未必卽抹貧差勝代人作計餘
刀繆題輿別楊況不俗休源仲舉皆人倫自從選貢入
成均廿年蠓屈應須伸吾家太守平生親青畱君不得

爲君辦裝去君行與我相送韓江濱江邊蝴蝶張蓬早
舟子懽呼順風好我獨相持意惘然何時更會開懷抱
江流滾滾落照低君帆且到蔡家園回看酒座朱欄外
魚尾明霞貼水飛

劉壯士歌

壯士名象亨吾鄉高陂村人少負奇氣稍長折
節讀書好談兵初謁平南王尙可喜於廣州尙
卽器偉之康熙十三年耿逆叛閩潮鎮劉進忠
應之平藩令其子之孝統兵復潮州授象亨守
備職令偕往我帥圍潮五月弗克先是進忠以

閩粵路梗復納款鄭經經遣海寇何左虎入分水關來援總兵王國棟赴黃岡堵禦爲賊所迫從東路遁回之孝見賊勢大拔營走賊進圍續順公沈瑞於饒平都統聶包檄象亨救饒師次西山率所部三百人直突賊寨賊少却十四年二月二十九日次柏子橋我軍未成列賊大隊掩出不意象亨力戰死象亨死續順公遂出降饒平城重圍重困何人續順公壯士來賊却退三百人成一隊柏子橋戰失利彼衆我寡我乃虎之不如虎扼險負嵎總兵遁俺答走壯士惟一死壯士死報國但願

續順公死莫降賊

宋孝子詩

孝子兄弟二人長元亨次光亨父永奎前明諸
生尙氣節爲士弁楊乾所害當鼎革時乾統鄉
兵克暴肆虐元亨思復仇入陳儲幕陳儲者世
所稱陳其明後以士弁從王師克復平鎮授平
鎮營遊擊者也初爲練總最驍譎屢與乾抗元
亨故曲意事儲欲假儲兵殺乾未幾儲與乾連
姻勸元亨勿仇乾置酒安濟侯廟邀乾與元亨
爲歡矢諸神終釋兩家怨元亨陽諾密與光亨

謀是日乾至元亨笑迎揖讓導至神前叩首誓
光亨從神座後笑出揮刃斷乾首儲色變元亨
曰乾暴虐人思噉其肉况某兄弟爲父報仇乎
且邑無乾兵權悉諸公誰敵公者儲然之元亨
光亨携乾首歸祭其父後乾家訟諸官官直元
亨兄弟釋不罪元亨後入國朝以拔貢生仕
溧陽羅城兩縣知縣光亨諸生事載邑志

十丈高灑至地仇人血孝子淚熱漉漉濕淋淋仇人頭
孝子心屈身事練總練總今日色莫變兄弟一心攢萬
箭懷及三年君未見君未見取君看鷓鴣骨鵲鵲汗

櫻拂

野馬眯人眼飛蠅亂人耳藉汝爲驅除使我心如水叢
生匪蓬麻劈分見肌理剝膚等捨身利用迺無比偶然
造空門可以媿佛子誓將掃紛囂亟思效臂指當時鄭
介夫不用斯已矣

羽扇

指揮出名士軒爽來異人遏陽與隔暑且障元規塵側
想青田遊五尺昂藏身羣仙正消夏展翅同車輪一扇
闐闐開祥風來紫宸析羽爲時用遭忌不得伸當時張
子壽歸第思葛巾

題李易安酴醾春去圖

夢裏芝英許並頭
墜帷難把覆茶收
餘春漫向酴醾惜
吹到金風菊亦愁

夜坐池上亭

披上荷衣輟筭鞦
晚涼一雨淨苔階
微風入竹有佳語
明月俯蓮生綺懷
人定蝶魂尋夢寐
天空蟲臂外形骸
牆陰不見濕螢度
瞥過奔星紅水涯

得邸抄題名見驤雲弟以字行捷南宮喜賦一律

一紙題名費揣摩
元之本字亮無譌
看君果足探囊得

弟去歲京中來書
格余北上語
顧我猶遲入袋何
用梅堯臣事余與弟皆充國史館謄錄

故計日鄉書鴻雁少

時未得第書

頻年家難鵲鴿多

前歲弟伯兄病

逝去歲余仲弟亦病逝

此番博得雙眉展較勝當時共掇科

余與弟已

卯同鄉舉

食松口荔支用東坡初食荔支韻

西山日午蒸壺盧

山

火雲流焰如燒枯涼亭一夢落松

日蝴蝶兩扇當風驅江邊浣女紅葛襦雙趺一白同雪

膚筠籃携過下爭攀風味彷彿青溪姝不知此夢真到

無醒來香色浮座間細核疑出方士幻大樹幾笑將軍

癡戲從荔譜品佳麗此君風骨真綠珠頻年消夏學茗

飲但滌石銚烹雲腴品盤餉此得飽啖歸思畧緩秋風

鱸他時一棹泊墟岸煙林十里遮浮圖

六月初十日同人集西園觀荷

一片風蟬咽夕陽安排墺銚換壺觴鷺鷥福分消閒日

花葉精神聚晚涼好事且憑蘭作合

是日同人爲
椒蘭之會

論園

還有荔堪償何時水竹三分裏畧仿紅欄闌草堂

湖山小憩

八月十五日守謨兄廷
元弟姪正次兒珏同遊

亭臺懸綴疑蜂窠洞天旋曲如盤蛇碧山人來酌清酒
高閣客去餘落花榕髯榕乳自併合石角石面爭谿訝
更思濯足向湖水且復騰身看海霞

潮郡缺雨八月十九日霽青太守甫出示斷屠爲

壇致禱至宵分甘雨如注喜賦一詩呈霽翁

朝一盂黃雞粥午一頓花豬肉官厨例食鎮肥膿已變
當時菟藜腹忽聞禁帖懸通衢太守祈雨朝斷屠農人
飢腸作牛吼腐儒此腹亦何有正愁五日不雨至十日
坐使菜根齧盡百無盍不知天公憐我憐農人宵來傾
盆一雨幾達晨農人失喜蹋破甕腐儒吟詩遞急送遙
知屋角響淋浪齋閣先成喜雨頌

九日同里諸子招集韓江酒樓風雨橫江酣飲至

夜因成一首

年例登高久及辰佛緣終讓世緣親

初約集紫竹菴

煙波畫舸

新遊女

座中伯酒妓新自羊城來

風雨江樓舊酒人此會雲萍仍逆

旅何時菱笠伴閒身醉歌一曲蒼涼甚落盡簷花動鬼

神

九月十八日桂山觀察招集西山紫竹菴卽席用

霽青太守九日讌集元韻

衙鼓轅鈴閱曉昏閒來煙郭瞰江村百年未算榕髯古
一品無如石丈尊曲宴笙歌徹蓮幕小山猿鶴守松門
謝公自有耽棋興落帽風流詎足論

細馬輕輦結隊行宰官真似佛多情妙香已入秣林界
美饌同遊護世城灑雨楊枝餘喜色

決句已得甘雨

向風櫛葉

作歡聲酒龍詩虎誰降伏高會靈山一鬪爭

西山之集余依韻先成二律呈觀察次日王嘯雲

慶曾

家子未

若濟

皆以佳什見示自慙率爾之

作無當大雅復成二首用原韻呈觀察并簡諸

君

如水天光洗眼昏青黃橘柚見遙村人因出郭知秋好

官爲朝山讓佛尊半角葫蘆曾入畫

西山一名葫蘆山

一林蘆

蔔又開門知公定有新吟續

觀察前遊有和太守詩

可許狂生細

討論

翻風跋浪聽歌行消盡王郎抑塞情

獻雲吟與久他昨見觀察新篇始一

張之已覺高材輸宋玉竟同下考注陽城湖山瑟瑟皆秋
氣蒲柳蕭蕭作夏聲眼底敦槃慙大雅虛名敢望古人
爭

呂小伊學博

玉璜

見和前詩復疊成二首奉酬

不藉皋盧豁睡昏畱甘詩味勝茶邨虛堂自劈澄心紙
窪石同聯峴首尊護壁清詞問蕭寺

小伊少時遊西山詩爲時傳誦掩

關高嘯想蘇門

小伊九日約伴登高爲雨所阻

因君想到閒僧福十載

湖雲與細論

記曾負手此閒行景物淒清每動情傍嶺石阡圍雁塢

西湖山麓有大石鏤雁塢二字

穿濠蘆塹築魚城百年兵燹銷燐火一

角亭臺付梵聲寄語前賢須作達謝公墩尙有人爭自湖

山至紫竹菴皆前明吏部唐公伯元別墅

邱雪松

秉剛

來遊潮州過訪城南適陳仙航士蓮

家虎巖先後來潮因招同小集仍用前韻二首

覆屋垂檐古樹昏空庭落葉似山村院留老僕傳詩簡
案有離騷配酒尊共識寓公聊假館頗思佳客聽敲門
江風大好吹君到舊雨招來翦燭論

浮白休辭一再行莫因華髮減豪情眼前橙菊堪團社
濠畔螭蚶正到城南食欣然設鄉味西風不復作秋聲
年來事事下心待難忘富筵勇爵爭

陳忠烈錦巖硯歌

硯鐫錦巖吟硯四字篆書款陳邦彥三字真書

天風夜泉

鄭湛若硯名

落誰手通政齋頭

王蘭泉少司寇

昨置酒虛

堂一陣來雪聲開匣璆然黑蛟吼四角妥貼平不頗錦

巖兩字堪摩挲當時講學

錦巖爲忠烈講學處

賸此硯不共碧血

埋山阿司馬有孫復有子櫝硯鐫銘手澤視豪偷巧奪

不可知流落市闌亦偶爾青花隱隱膽塵起暗血凝成

鐵肝紫扶桑日出賦初成地軸旋翻天柱圯目光敵日

高兩顴飛書草檄驚風旋硯乎斯時果否在戎帳侍公

吮墨磨盾餐羊羶君不見臨刑絕筆人爭乞墨花血花

同喫出須向錚錚認鐵身莫但硜硜寶石骨

園菊

借汝顏酡酒知誰骨傲霜風騷傳譜正富貴得秋強瘦
竹有寒態衰荷無遠香撐持見風力未許一園荒

巖桂

是有耐冬性非因招隱篇世方需藥物汝豈久連蜷明
月問千古小山看百年自來無隱義隨處可參禪

桂山觀察招同朗峯總戎霽青太守汪司馬朱山
人夜宴來鶴堂

退食開東閣延賓共幕僚宵嚴遞銅虎座暖接金貂排
菊長筵啓擎荷短燭燒曲屏看花葉鬢影各飄蕭

東海釣鼇客南山射虎人暫爲無事飲仍是未閒身老

氣歌何壯

朱山人度曲

新篇句有神

謂觀察登高諸作

屢陪尊酒雅

闕畧見天真

桂山觀察權轉運使成長句奉懷

官梅初放園菊妍西堂昨日開長筵一杯相屬爲公壽
時和歲稔民安便忽聞大府下符節東西轉運須公權
維公文武似張詠雄才闕畧堪安邊官山府海霸術耳
措理豈足覘公賢詎知酌劑有善用遺意可仿周官編
况聞淮陽病鹽法頻年主守空憂煎吾皇豈爲藏富
計商民要令無枯偏卽今粵海未虧損元氣正賴培其

全近傳市舶困經紀亦恐禺筭滋率纏知公遠識具深
慮紛更操切俱無然公餘退食揮腥羶下箸或有江瑤
鮮政成多暇餘新篇坐閣清氣來水仙韓江一客正獨
酌喜見當頭卿月圓

臘八日霽翁招同壽生子未集一琴軒因憶詩娛
室集中羔羊退食閒無事蟋蟀驚寒讌有名之

句卽用其韻賦呈一首

得閒便恐負詩盟棋局纔欣換一枰

時霽翁權觀察使任

小飲亦

須官作主消寒仍借佛爲名噉來料粥思田米聽到春
禽切友聲自是太平無箇事公餘聊復訓厨兵

偏除將近挈眷回里度歲呂小伊用昌黎別趙子

原韻賦詩見貽卽用其韻奉答

自我盡室來避風似爰居城南有講舍一住兩載餘頗
慙作學究友朋妙交娛君家盛琳瑯插架多奇書往往
一鴟借坐船得珍珠時復示新篇雜珮瓊瑰俱儒以文
爲富非君其誰歟自從與君交信非甘醴如君亮古或
有我迂今則無豈必誓丹雞久要能不渝頃聞當小別
捧檣來長鬚市人重黃金喜怒同羣狙迂儒別有嗜與
衆應差殊圓璣百餘顆開緘璨階除玳贈君孔殷李報
我當圖安能罄欸欸聊用鳴區區贈處夫如何相期學

愈愚

錢沙夜泊同內子望月

艤棹三更後浮家一水間月明山燒冷風定浦燈閒渚
雁皆相匹江魚亦不鰕宵深兒女睡香霧濕雲鬟

螺砦舟夜

山氣喻如甕凍蟾猶未升村深咽屠角峽窄吐漁燈偶
聽鹽船語閒談米價增關心近鄉里中夜寐頻興

韓江歸舟二十首

三年鏡閣傍書臺也似鷄鵬暫避災多謝故山猿鶴待

全家騎蝶賦歸來

湖蝶經潮
州船無也

兒女癡情笑未降要將罕物壓歸艣洋船新到梅花鳥

拚個番錢買一雙

梅花鳥大如黃雀羽毛絳色如赤鸚鵡

蛩嬾赤脚怕青鬟撐得纖腰弓樣彎讓汝峯峯鬬眉嫵

阿儂只曉竹篙山

竹篙山在潮州城北

畱湟一水認歸途卵育涵淹久已無閒掩篷窗談往事

牙鬚重狀異魚圖

眼前雞犬共桑麻翠竹江村間白沙不見捕魚人一個

山寒谿淺自桃花

桃花墟名

當時買盃說高陂動我衣冠古處思不及百年都變盡

祇應三老不曾知

余少時見里中世族皆用高陂碗邇年來競尚饒藝惟船戶尚侈言高陂

耳枕

稽查偷漏禁森嚴一例朱標與印鈴却喜當關非虎豹

生來羊性食紅鹽

三河壩有巡鹽關潮船携帶私鹽謂之紅鹽

名山合喚小羅浮五瓣青蓮湧佛頭我對阿師更慚媿

陰那山了拳師名慙媿

未能聞過况薰修

幫纜人來繞客船知他家住近灘邊飢寒但願如君輩

公道收些賣力錢

佑船墟店辨微茫五里平疇接遠岡標出一枝松口塢

教兒知道易支鄉

松江寒水綠於衫漁艇搖來袴作帆一樣浮家有妻子

汝操長綱我長鑱

瘦黃皺綠鏡慵窺睡覺青山叫畫眉冷著閒情溫著酒

烏篷擁被授兒詩

連宵篷背怯霜寒一領蓑衣鶴骨單

灰鶴俗呼蓑衣鶴

憐汝忍

飢還忍凍等他初日上銅盤

銅盤灘名

小河喜見水痕低尚有泉聲出澗谿我是輕舟料行得

不勞凹頂鷓鴣啼

鷓鴣凹在小河

三兩墟船白渡前黃壚重過意淒然半生腹痛那堪觸

漁弟樵兄四十年

謂宋詠堂詠堂與伍雲兄交最厚前年與笙調弟相繼病逝

昨宵思報大雷書上岸還來訪舊區甥女平安收割好

秋成多得幾挑租

鍾氏妹已隨外任之電白學廨

圖書幾篋檢輕裝
餞歲携來橘柚香
除却青氈無長物
粧奩添隻女兒箱

小別經時盼望奢
童孫迎面笑些些
問渠解憶潮州否
索得黃柑走傍爺

數椽小築未完工
兒好無須慫乃公
準買奇書三十架
評香瀾茗坐樓中

頻年泛宅豈良圖
得暫還家亦足娛
新署頭銜作門牓
耕田識字上農夫

讀白華草堂詩二集卷五終

讀白華草堂詩二集卷六

庚寅

鎮平 黃 釗 穀生

新正四日左秋浦師張梅初先邱雪松秉剛東麓

泰 徐鷗南嵩過訪新居卽事

竹屋梅簷暖意烘眼前師友一尊同偶然有此故鄉樂
安得便爲田舍翁新壘燕芹遲舊雨山堂雞黍話家風
酒酣莫問謀生事已是勞薪尙轉蓬

過酒醉灘

在松口墟頭

一笑相逢飯顆山開元詩老骨嶮岼而今不爲清吟瘦
捫腹來過酒醉灘

木棉絕句

綵筆難圖異樣春且尋丹魄認花身
暝空熱血擎天臂絕似蓮鬚閣裏人

中年

中年早見鬢如絲鐘鼎山林未有期
妻子亦知耕畝好科名翻悞讀書遲
春風桃李杯中酒夜雨江湖枕上詩
便是消磨閒歲月回頭應媿守羊兒

一畝

一畝仍連水竹邨當時種菜認籬根
田園析後憐兄弟書畫藏來看子孫
已勝詩人住茅屋居於野老設柴門

還山買犢談何易且約梅花慰夢魂

鐵甌樓成乞顏藥孫隸書領鶴二字作樓門榜藥
孫以詩來調如數和之

門掩柴荆徑掃苔書樓一所共誰開家雞野鷺無心好
却向山人乞鶴來

買山錢向賣文收二頃田仍爲鶴謀媵我一琴歸便得
不須騎去上揚州

換鵝有字妙霏煙道行修來証佛緣十畝榕陰作巢隱
看君參到鳥窠禪

小樓西偏有屋如船扁之曰五百斛舟兒子玉求

其義因作長句示

而不見范希文窮時斷壑自畫粥貴來直田贍其族丹
陽故舊亦可憐分得麥舟五百斛人言范公真有子我
望兒曹亦如此栖身已有屋如舟粗糲能甘白可嘉耕
田苦潦又苦旱忍對飢寒誇飽煖負郭須千二頃田出
門尙操三寸管何時得成積穀多牛翁渾相胎駛往來
風多收十斛有無通但願爾曹可土少可農守財棄財
皆奴耳我却不堪陶朱公

奉和霽翁已飢夜喜雨一首

襖得蝦蟆遁呼來蚺蜺靈衆星榮夜黑雨滋春青米

傾朝仍減簷聲午不停玉壺堪暖熱同醉綠莎廳

二月二十日壽生寶出招陪舞翁子未集一琴軒

卽事一首

琴聲能淡鶴能馴竹裏行厨炙凍春南國梅仙文字飲
西方檀佛宰官身和平詩厚非庸福懽喜緣多是勝因
笑向樽前看醉影黑頭公亦二毛人

粵海春寒曲

蠓窗鏡薄檀雲重火色縣團圞么鳳丁丁海水撞銅船
瘦虬夜泣珊瑚凍花巾鬼子白魚服手杖胸刀蠻結束
鰕鬚斫血撼冰柱魚腦傾脂裂珠肉溫泉不沸獅子洋

綠毛蜩縮盧亭僵神廬自藝不灰木左龍右虎圍丹房
綠蕉冷透銀光壁寶布花幡空五色乞取輕陰護米囊
東風一夜迴倭國

唐儀鳳琴歌

琴爲王竹航刺史購自并門琴腹有儀鳳丙子
四字定爲唐高宗物歸予賦之

昭儀夜解梅花囊唐宮暗蕤金貌香龍脣舊製紫儀鳳
垂簾幾聽君絃張千年古器雲煙過道人冷眼初窺破

竹航自號
壽山道人

悲像當時霽霽音鏡殿妖狐正襟坐閣中琴

籟

竹航
閣名

澗松風且莫拊此三尺桐君不見兩姬骨醉悲

中宮恐有殘形老狸來夢中

上巳日集一琴軒

同集霽翁壽生子未菽田以
麗日屬元已爲韻分得日字

數數蝶撚鬚喁喁蜂釀蜜綠交雲覆檐紅亂風翻帙瓶
笙籟有無叶音中琴瑟詩思止無邪齋祓慎吾筆苦吟
瀾甘茗紆抱展佳日眼中有數君趣與風人匹府公出
扶頭霽翁出陳
酒餉客車子呼接膝蠻語笑嫵閭良會樂真率

霽翁以集趙文敏法華經殘本字詩見示且預訂

浴佛日爲西山之會作長句戲呈

霽翁詩犯禪律多不顧鐵面加譏訶昨朝禊事修永和
集字嬾數蘭亭鵝示我新句參禪那作黑黍飯期相過

吉祥雲護安樂窩一百八下聲降魔釋云創格應匪佗
集法華字搜殘訛吳興此本工礫波吾目未見空云何
翁也一日千摩挲詎笑補衲兼縫靴天然語妙如東坡
和合一處聯僧伽曰予所好當非阿生朝屈指瞻釋迦
瓣香持向山龕哦白牛糞肩遺青莎拈花一笑招難陀
霽翁復集字見和十二韻用前韻奉答

眼前經字繙貝多預約盡醉尋摩訶計時首夏當清和
禮佛看放長生鵝蒼林花萼開拘那花間巒檻隨僧過
訪古祇用尋拙窩且破酒戒收棋魔知公所願無餘他
爲乘長養下南池此功德勝宰堵波豈止敬仰如蘇何

午窗蠅脚雙援抄蕭然一榻寬巾幘因緣念佛思梵坡
妙音不竭翻頻伽湖山信美層城阿淨土亦似補落迦
晚來行飯携詩哦葫蘆一角遮牆莎園花又放拘尼陀
潮郡亢旱連日禱雨用東坡和李邦直沂山祈雨

有應詩韻賦呈霽翁

水長減蒲芽雨多添柳耳

昌黎句

往年苦浮霖城廨問餘

幾今年河流竟龜坼又見農人淚如洗前時請符仙
來但聞海潮動處聲如雷屠門酒肉不敢市萬夫屏息
坐看雲頭堆天半狂風作虎吼雨仙雨仙能下否開元
寺僧眾久情慵不能詛官惟咒龍何時始免長官到醉

鄉去訪王無功長官焦心爲年穀步禱告穹惟自責竚
呼黑蜾躍重淵且代黃冠作符劾

旱春二首

市屠束手澤農歎海眼將枯地肺乾絲雨絮雲都捲盡
不應無謂作春寒

斗米墟墟貴百錢江鄉消息耳邊傳硯田縱得全家恃
可有他家續命田

子未前以董子祈雨法行之潮郡果有驗復用東
坡和李邦直韻簡之

豬婆畏燒尾龍公愁割耳同聲哀皇穹所損亦無幾天

瓢一勺頓破慳已見街衢淨如洗初時此法君傳來頗
疑治標之劑非桐雷豈知古方竟有効不愁乾死却在
叢書堆黔雷尙作靈夔吼爲問天公能繼否林神社鬼
何敢慵行鞭斥汝有箠龍風乾日稿且莫逞東皋尙未
開農功如我終年食館穀暘雨未知亦當責漫云儒術
近迂疎已勝巫家工厭劾

四月初七日開元寺謝雨呈霽翁

今日天心許淒然憫我農號來萬家佛聽到五更鐘官
閣眠巢鶴齋壇起鉢龍明朝須浴水喜得十方供

喜雨謠和霽翁

天河水涸魚星困雨師亦作蝦蟆遁

自月蝕夜得雨
距今五十日

居

民感頽市人悶東門擔水賣十錢魚鹽負販皆可憐當
關津吏心更煎估船裝貨油不起再過一月共乾死安
得龍公一掉尾

小河昨長幾尺水船戶閒顏泔吏喜豈知田間涓滴無
老牛學作飢腸呼農人望天心旣腐但望誠心有官府
聽說城中早求雨城中長官當數誰我公愛民皆知之
匝月斷屠兼斷詩

今朝一雨天作主我公此意難不許林神社鬼莫言功
前日狂風哮如虎市中米價頃刻平田間秧馬紛縱橫

我公出郭來課耕生佛早見山僧迎宵來却聽地牛吼
梵唄同聲越林阜跳向陂塘咒星斗

四月八日霽翁招集紫竹菴設伊蒲饌仍用前韻

楊枝水止一滴多淨瓶當有龍象訶山門雨足占農和

湖西度水雲如鵝宰官身現同檀那伊蒲設饌侵晨過

僧房嵌洞如蜂窩碧眸赤髮多黃魔時山頂方塑莊嚴神佛諸相

相是慈仁他布金捨宅訛傳訛曷怪老少爭奔波此間

詎有師姓何眼中僧鬢空挪步趨走不顧苔滑禪導客

更上層層坡畫壁惜少盧稜伽珊瑚碧樹看周阿垂鬚

自敬阿輪迦山腹老桐五百年前物供我婆娑兼醉哦歸途一碧

鋪煙莎諸天雨向霏曼陀

題張曉初果拓鉢圖

萬石何如一鉢寬隨身且作挂單看饒他列鼎誇方丈
坐到中書伴食難

只須了却公家事痛飲酣歌客尙能我亦隨緣供粥飯
與君同是在家僧

閏月二日呂小伊招同鄭平階昌時顏藥孫崇衡

廖寅谷日昌成文銘嘉量集波羅園卽事

搬竹觴花讓比隣敝門有客盡儒巾每思樂敢迫前輩
常代園林作主人此會依然無事飲吾儕還算自由身

三年風雨相過慣未免當筵一愴神

時余將有羊城之行

雨生弟假歸匝月仍將渡臺來潮話別率成一首
眼前事盡心中事嶺表家仍海外家已見鷺毛輝日下
劇憐雁影又天涯金吾軒蓋鳴珂里博望功名泛斗槎
未免因君感星鬢十年騎馬老京華

河源懷司訓楊心泉

其淵

邨郭隱微茫江干塙影長荒隄銷酒米瘠縣視牛羊食
肉真疑僭烹鮮或未遑儒官半儕輩吾道不膏梁

宋高宗真草孝經殘碑拓本

碑在廣州府學

紹興天子思孝治手書孝經賜會之繫十八章見聖學

檜再拜請刊之碑六經本末建昌敘

曾定父

此刻泐石當

同時是時梓宮已北歸顯仁奉養慈寧閣文思考思兩

無媿力購玉版專臨池建秘書省置提舉掌求書籍咨

臣熇熇也奉詔領國史蓋愆靜蠱洵非私曰太后返臣

檜力大辱枉肆胡宏譏聖聰不蔽聖孝篤臣忠帝孝同

昭垂此碑刊向南海陲大河以北空嗟咨側聞宸翰出

玉潤頒示不到慙官司上皇瘦金已零落手澤但益臣

民悲越六百載茲甯貽井牀甫向堂東遙

碑先在大成殿後井牀上

近移明倫堂東序

石臺改本舊舛雜訂正豈僅儒生資明倫大

義固有在當年內殿方勤思於戲勤思孰得窺略天高

聞焚香知

寶幢寺觀孔雀開屏作

睽睽閃閃金翠重百千善眼非觀空金鋪了鳥開繡檻
何來駭綠紛驚紅銜彼麗服兼妖容魂搖魄蕩盼眇融
尻高頸縮作態工鄂君被展奇香濃綠沈一色張屏風
默示求雌矜其雄金輪寶扇遮暉隴華嚴樓閣身其中
意迷目炫憐昌丰鏡殿瞥見雞皮翁迴身斂尾遽藏鋒
見性乃與木雞同淫毒詭闕窺無從但餘坐席鋪綠熊
沈檀一髮春雲鬆日午正報齋時鐘

香石以扶胥黃氏園所產荔名玉環香見餉索詩

爲吾宗增荔譜佳話余舊以松口所產荔爲綠
珠可稱雙絕并索香石畫香石香山入

綠珠曾認吾鄉產又向吾家見玉環絕代美人較風骨
畫圖還倩老香山

四君詠

家文緣

元章司訓

吾家老文緣真氣藏酒府一官佐司鐸頗厭頭巾腐仙
城有美釀斟酌可自主醒來學灌園料理菊花譜

陳雪漁

在謙學博

雪漁蕭灑人風流在衣帽哦詩古歷亭讀書中宿峽名

士作儒官夢因通淨業三絕繼鄭虔我自司我法

家澹泉

文海解元

文壇飛將軍雙子校起幟授徒爲養母省門不欲試千
篇詎足豪一公始能解客來燕臂燭痛飲屏文字

黎見山

應南大令

見山嗣絕學作字獨報淵羣經出自通縣譜亦能習尺
書數十行瑣事諳復多六誼富服銘此筆難爲執

讀吳鶴村同年

松遺稿成二絕句

詩城酒國共誰狂曾見吳生並擅場今日遺篇揮淚讀

更無杯瀝醉斜陽

零星蟬篋費搜求
汗雨蛾燈替校讐
漫與詩人爭位置
一編循吏重中州

桂山都轉權廉訪次鄭老伯奉呈二律

西曹丹筆佐明刑
決獄江都善引經
多繡久懸三尺法
犴庭新戴七公星
坎平律自昭常憲
清白箴惟守舊銘
十日隨車甘雨足
已看圖上草青青

帝廷欽恤重惟明
海國羣流仰鏡清
銀手常機看決事
金心鎮物見平情
眼空鱗魖畏千里
身擁皋比閱百城
見說岳推當奏績
蒼生齊願緩公行

老園道中

明霞渲金碧畫本入扁舟海雨龍垂尾潮田鴨聚頭鄉
心三汊水仙夢二樵秋猿鶴應騰笑還家當薄遊

鐵岡舟夜

伏枕子潮春推篷夜氣濃星辰戍孤艇風露飲涼蛩身
世空多感江湖尙苟容還山思買犢一劒爾何從

過惠州得二絕句

癡雲懞懂霧冥頑水慢風床硯席閒傳與虎兒應一噓
米家船看米家山

閒繙天際烏雲帖細誦湖頭白雨詩長日舟中了無事
如公飯飽睡酣時

舟晴

初陽放赤毫宿霧霏金塵碧天閃雲鱗善眼來窺人私
喜今日晴微吟坐船脣叢蘆自矗矗微波亦粼粼飢鶴
意在魚聳肩戲垂綸可憐青雲姿求食一何馴蔗農傲
橘官干畦壯輪囷朝來自行園婦孺更番巡竿鳥默無
語風檣汝何因梗枿杞梓材東西南北身

三王寨

陡石三盤皆寒潭兩岸村熊腰樵婦勇牛背牧童尊神
廟叢香火人家刈韭翻眼明飛鳥過十里涉河源

宿白馬潭戲用讖體寄錢品三

俚鬼開機弄居人託網羅雲霓巡星自首月匿嶂同窩多
露聽蛩訴無枝任鵲訛廿年愁讀律撫景意如何

短篷

滿幅秋光載短篷丹黃紫翠著空濛溪山自寫宋元畫
蟋蟀競歌唐魏風一晌雲煙仍過客百年桑苧已成翁
江湖豈戀鱸魚美剩有詩情媚冷楓

秋熱

秋熱人無寐中流自泊船電雲奇鬼閃水月老龍眠野
戍更微辨村墟火尙懸思家兼憶遠永夜意茫然

將軍碣

潁陽峽口常經過眼中無此山水窩
雲林寶晉榻羹鼎天祿辟邪衣
薜蘿摩崖字擬倩北海神石詩許吟東坡
一枰碁倘置山頂會有樵夫看爛柯

長樂

水綠山頽縣誰將畫本誇大罌
眞酒國高髻好人家對岸橋編竹
環城地種瓜橫行笑官舫且學蠅爬沙

潮州別霽翁

昔我來潮州時公方典郡袖懷廣文書
履子匪藉要牘進殷勤退食餘論詩同一飯
我貧似郊島飢寒豈待問分俸急遣歸窮鳥
翼始奮

士也無恒產末筆爲硯農楊公桂山走書幣廷我課童蒙
重來館潮州授詩感阜螽獨居念妻子尙賃皋廡舂豬
肝已累人奚可更恩公

城南有學舍居室餘數楹可以頓妻孥且與講師生因
之盡室來薪米勞經營脯脰已有餘酒漿亦得羸妻孥
可勿憂府公如弟兄

三載常過從情親誼何厚畏讒勸戒詩賀雨約開酒仲
也子未忝同氣好我輒在口千秋各有業鐘鼎異林藪公
乎爲蒼生顧我果何有

敢望黑頭公秋鬢已如此強顏附公車謬謂可以仕知

公期我真豈爲科名美士貧逐溫飽亦貴競廉恥臨歧
吐所蓄庶以謝知己

大塘夜泊

寒露警宵征孤篷氣候更冷螢螢火宿秋蟀激金聲霧
重水雲窟風嚴草木兵天涯念鄉土咫尺若爲情

到家

兒女團欒亦暫時得歸豈復悵歸遲百年家在當呼酒
一月江行不欠詩田舍盤飧藟芋辦山居心事鶴猿知
秋光九十餘三十橘綠橙黃正好期

惠陽舟中寄內

一年三厯此征途去燕來鴻日月徂覓食衆生輕道路
添衣獨客念妻孥猛風虎吼三王寨靈雨龍歸七女湖
何似故鄉茅屋底閉門煨芋共圍爐

觚菴讀書圖爲屠修伯

秉題

時西陲不靖與修伯酒樓痛飲後賦此

屠郎胸有萬卷書入世肯學摸稜蘇潛園

修伯尊甫琴塢太守園名

嚙後餘此圖觚菴觚菴痛哺烏

圖爲琴塢太守所畫

西華葛帔幾

窮途一官小就觚不觚讀書弗得因飢驅操觚業此胡

爲平方冬十月雪片癡梅花萬本妻林逋觚菴一角鄰

西湖別之而走携其孥

時修伯挈眷度嶺依婦翁霽青太守

我耳久熟識

面初握手一歎真吾徒魚羹羊臠美不殊誰爲大國分

魯邾擲帽而起詫當墟千鍾百榼皆狂奴觴三爵一徒
區區屠郎豈屑章句儒乃翁當日歌袴襦知兵亦復知
國如西陲封狼近生貙昔棄繻生今豈無屠郎屠郎好
執爰中天明月懸穹廬案頭一卷餘陰符

題修伯榕屋譚詩圖兼呈霽翁

脫帽掀髯共酒壺津津梁得處每酣呼老榕三百年餘物
見此清狂翁壻無

詠絮才甯遜謝庭紫紗牕瞰玉瓏玲笑他短燭三條後
鄭婢蕭奴帶睡聽

城西紀遊二首

十一月十六日
香石文孫同遊

銅壺屹雙門金鐘表丹觀城西遠市驚頓覺意紓散入
門見五仙列座設帷幔香燈祈順成久荷道力贊火種
穀早登石幻羊不爛長揖丁未仙一笑凡骨換

先代業牛醫亦有牧羊兒眼前皆曾孫人世同笑媼荷

鋤者誰子種菊誇滿籬

家巷厓

不俗卽仙骨此語亮匪欺

我輩但醫俗安用餐黃芝厓南有韓康隔宿曾相期烹
狗亦佳耳求仙妄言之

題譚康侯同年詩箋後

余丙戌夏別康侯於京邸時康侯病劇卽憂其
不起五載不得耗今夏來羊城晤儀墨農云康

侯於今春病卒因出所書詩幅見示蓋近作三
首錄示墨農者紙尾云倘歸見吾香鐵出以眎
之亦知病夫不死狂奴如故白頭吟詠尙多情
也之語始知康侯前病已瘳而去冬嬰病始卒
而釗數年來預憂其死未作一書致訊正所謂
幽冥之間負此良友因成此詩亦短歌當哭云
爾

君病吾所知君死亦吾料詎知昔病瘳復病始不療君
誠達觀士非死卽懽笑病夫本狂奴涉筆自寫照談龍
口劇豪相鶴骨仍傲如何怨聞笛遽爲落梅悼叢蘭泣

金碧啼眼山鬼弔寸牋忍卒讀瓊玖未能報

詩中有座
上款龍無

俗客床頭相鶴有仙經及

間箇寫金碧蘭戲題二篇

儀生亦新知燕市歌慨慷持君此箋歸謂代書數行存
未及我目歿乃迴我腸曰示吾香鐵知予病能狂嗟我
同年友睽隔天一方諍臣在已宿草尙幸君爲郎生平
喜稱詩數子從頡頏君今又萎逝古義孰權商詩亦餘
事耳君死乃可傷

君本拙而迂生產乃不事爲郎蓄薄俸盡以抵書肆厰
中古書畫真贋苦羅致當君貧病亟割以換藥餌豈知
賈不售君取人所棄君無徵逐遊貧交餘一二孀妾及

遺孤歸迸一棺累一棺縱得歸八口奚以食我心空憂
煎讀罷盍酸鼻

過花埭

水松界墨天低鶴牆薜垂陰海挂龍七里山塘開竹市
可如此埭作花農

綠窗金榻閤層層不見人從閣上憑雨細風斜催別去
廿年前記過毘陵

訶林餞別圖爲桂山都轉題

宰官騶唱來城西五侯鯖向行厨携主人出迎衆僧導
入門具見風幡低此幡不共旌節移訶林乃作甘棠思

婆羅樹下進柳酒嶺南十郡同一卮宰官前身定佛子
心如明鏡身菩提牢盆已辨覆盆雪解牛事亦同割雞
公餘談讌有數子僧廊讀畫還看碑春秋佳日樂清暇
不似此會當臨歧沙門三宿戀桑下況此九載恩羣黎
黔黎依依不忍別數子亦悵青驄嘶頗聞東南財力詘
揭柄翕舌愁斗箕九重宵旰仗誰釋要藉卿手醫癰
疲粵人攀畱豈能得但祝旌節迴虹蜺重來聽號萬家
佛紗籠壁上看畱題行矣鶴向揚州騎此圖印跡如鴻
泥

維舟峽山寺陪桂山都轉帶玉堂早飯

雲客此重到，離僧迎寺門。石高仍帶瀑，山靜不聞猿。
碧玉瑩千尺，木樨香一尊。宰官與居士，飯罷各忘言。

滇陽道中阻風

白鳥衝波意自閒，頽沙碎石任風湍。眼中突兀數峯碧，
江上棲遲三日寒。嘯虎漸看銷壯志，買魚聊復佐加餐。
濁醪堪醉書堪讀，掩卷休歌行路難。

推篷

撫枕看長劒，推篷擁敝裘。風霜嚴夜角，星月靜寒流。
戍古樓餘火，林空葉送秋。鵲巢自安穩，水宿念羣鷗。

十六夜望月作

此是故鄉月相隨到贛州一杯還酌汝爲我照高樓夢
熱嬌兒被香寒思婦篝天涯同不寐歲晚獨扁舟

至贛州發家書復占二十八字寄玉兒

水驛山程又幾千半生行役近華顛此回眼福堪誇汝
一路梅花看過年

歲除前一日吉江道中作

閉置真同車幃論推篷始覺辨朝昏野航雨雪渡仍渡
墟樹霏煙邨復邨儘有重裘知厚薄豈無醇酒念寒溫
途長歲晚難排遣苦憶田家老瓦盆

讀白華草堂詩集卷六終